

Frístundahlé frá kl. 11-12

Í stundaskrá 1.-4. bekkjar er gert ráð fyrir frístundahléi frá kl. 11-12 alla daga. Nemendur þurfa að velja eitthvað eitt á hverjum degi. Best er að senda óskir á netfangið fristund@isafjordur.is en einnig verður hægt að skrá á skólasetningardaginn 24. ágúst í skólanum. Hér fyrir neðan er útskýring á því hvað felst í hvaða vali.

Frístund

Frístund er til húsa á efri hæð Sundhallarinnar, en þar geta börnin valið sér verkefni og verið í frjálsum leik. Börnin hafa val um ýmislegt, þau geta teiknað, litað, perlað, spilað og leirað. Þá er einnig hægt að fara í dúkkuleiki, playmo, bílaleiki, klæða sig upp og fara í hlutverkaleiki og margt margt fleira. Ekki er þó allt í boði alla daga en allir ættu að finna eitthvað við sitt hæfi.

Frístundarfjör

Í frístundarfjöri er skipulögð dagskrá alla daga og alltaf eitthvað sem ætti að koma börnunum á óvart. Í vetur verður t.d í boði að gera tilraunir, fönndra, fara í heimsóknir í fyrirtæki, gera vinabönd og margt fleira. Mæting er í anddyri Gí við Austurveg eða í Félagsmiðstöðinni en misjafnt er hvar fjörið fer fram hverju sinni.

Útivist/útivera

Í útivist/útiveru eru börnin úti allan tímann. Farið er í skiplagða leiki en einnig fá þau að leika frjálst. Starfsmaður er alltaf úti, stýrir leikjum og fylgist með. Mæting er á skólalóðinni á Austurvegi.

Bókasafn

Hægt er að velja að fara á bókasafn í frístundartímanum. Þar fá börnin tækifæri til að sitja í rólegheitum og lesa eða skoða bækur. Á bókasafninu eru þó aldrei fleiri en 6 börn í einu.

Íþróttaskóli HSV

Mikilvægt er að þeir nemendur sem kjósa að vera í íþróttaskólanum í frístund séu skráðir í hann og eru allar nánari upplýsingar á heimasíðu HSV. Ekki komast allar æfingarnar fyrir á milli kl. 11-12 hjá öllum hópum og eru þær æfingar sem upp á vantar eftir skóla.

http://www.hsv.is/ithrottaskoli/ithrottaskoli_hsv/

Grunnþjálfun

Í grunnþjálfun er áhersla lögð á hreyfingu og hreyfiproska barna. Fjölbreyttar æfingar verða í boði, farið í leiki, þrautir, fimleika, hopp, hlaup, köst, aðrar greinar kynntar og margt fleira. Grunnþjálfun er í boði tvisvar í viku.

Boltaskóli

Í boltaskólanum verður boltagreinum skipt upp í tímabil og ein grein í einu þjálfuð. Boltagreinarnar í skólanum eru knattspyrna, blak, körfuknattleikur og handknattleikur. Börnin geta því fengið að kynna öllum þessum greinum og æft hverja grein. Boltaskóli er í boði tvisvar í viku og verður fyrsta tímabilið knattspyrna. Þjálfarar í boltaskóla fyrir 3.-4. bekk eru frá aðildarfélögum sem koma með sérþekkingu á sinni grein og kafa dýpra í hverja boltagrein.

Sund

Í íþróttaskólanum verður almenn sundþjálfun í boði og verða æfingar tvisvar í viku undir stjórn þjálfara Vestra.

Tónlistarskólar

Mikilvægt er að þeir nemendur sem kjósa að vera í tónlistarskóla í frístund séu skráðir í hann og eru allar nánari upplýsingar á heimasíðum skólanna.

<http://tonis.is/>

<http://www.edinborg.is/>

TÍ - Forskóli fyrir 1.bekk

Kennsla fer fram 2 x í viku á mánudögum og miðvikudögum kl. 11:05-11:50.

Kennari er Rúna Esradóttir.

Meginmarkmið forskóla er að búa nemendur undir hljóðfæranám. Uppistaða námsins er tónlistariðkun með ýmsum aðferðum s.s., söng, hreyfingu, slagverksleik, hlustun og sköpun, lestri og ritun. Meginhugtök tónlistar eru kynnt nemendum, tónhæð, styrkur, áferð, tilfinning og túlkun og margt fleira. Stuðst er við efni úr Trommur og töfrateppi eftir Soffíu Vagnsdóttur og Leikum og syngjum. Æskilegt er að börn sem ætla í hljóðfæranám hafi lokið minnst einu ári í forskóla. Skráning fer fram á skrifstofu Tónlistarskóla Ísafjarðar.

TÍ - Tónasmiðjan fyrir 2.bekk

Kennsla fer fram á föstudögum kl. 11:00-12:00.

Kennari er Rúna Esradóttir.

Meginmarkmið Tónasmiðjunnar er að glæða áhuga barna á tónlist, virkja þau til að greina tóna og áhrif þeirra, efla þau með hlustun, söng, hreyfingu og sköpun, lestri og ritun nótna. Þau fá að kynnast notkun tölva við tónsköpun og einnig möguleikunum við hljóðsetningu. Helstu hljóðfæri verða kynnt og fengnir tónlistakennarar til kynninga.

Skráning fer fram á skrifstofu Tónlistarskóla Ísafjarðar.

TÍ - Barnakór - 1. og 2. bekkur

Kennari er Dagný Arnalds og æfingar eru á fimmtudögum frá kl. 11:05-11:50.

Unnið er með grunnþætti tónlistarinnar í gegnum söng, hlustun og hreyfingu. Lögð er áhersla á að börnin læri einföld en fjölbreytt lög utanað, upplifi ólík blæbrigði tónlistarinnar og þjálfist í að hlusta eftir þeim.

Kórinn kemur fram á tónleikum Tónlistarskóla Ísafjarðar og víðar.

Skráning fer fram á skrifstofu Tónlistarskóla Ísafjarðar.

Barnakór - 3. og 4. bekkur

Kennari er Dagný Arnalds og æfingar eru á þriðjudögum frá kl. 11:05-11:50.

Í gegnum sönginn, hlustun og hreyfingu upplifa börnin ólík blæbrigði tónlistarinnar. Grunnhugtök

tónfræðinnar eru kynnt til leiks og unnið með raddbeitingu, nótnalestur og raddaðan söng. Kórinn syngur á tónleikum Tónlistarskóla Ísafjarðar og víðar. Skráning fer fram á skrifstofu Tónlistarskóla Ísafjarðar.

Einstaklingstímar í tónlist

Tíminn frá kl. 11-12 getur nýst fyrir einstaklingstíma í tónlist. Foreldrar þurfa að skrá barnið í þann tónlistarskóla sem barnið verður í og láta vita af því að barnið verði í tónlistartíma þennan ákveðna dag.